



Synfocity = 849

mail us at : mzsynfo@gmail.com; mizoramsynod@gmail.com - Phone - 2314648

July 14, 2022

□ Synod Mission Board leh ram pawn chet velna

◆ Kumin 2022 June thla thlenga Mission Field hrang hranga ringthar neih dan hetiang hi a ni:

S.No	Field	Total
1.	Arunachal & Assam Mission (East)	32
2.	Arunachal & Assam Mission (North)	25
3.	Arunachal & Assam Mission (West)	67
4.	Assam	66
5.	Barak	98
6.	Delhi	115
7.	Home Mission North	49
8.	Home Mission South	96
9.	Jharkhand	318
10.	Karbi Anglong	86
11.	Calcutta	1022
12.	Lucknow	108
13.	Nepal	64
14.	Odisha	115
15.	Patna	90
16.	Siliguri	283
17.	Tripura	656
18.	Masihi Sangati	5019
	BELHKHAWM	8309

◆ Nepal Mission Field

July 9, 2022 (Inrinni) khan ringthar 4 Lal Isua zui turin an inpe.

◆ Jharkhand Mission Field

July 10, 2022 (Pathianni) khan ringthar 5 Lal Isua zui turin an inpe.

◆ Karbi Anglong Mission Field

July 10, 2022 (Pathianni) khan field chung hmun hrang hrangah ringthar 25 Lal Isua zui turin an inpe a. July 11, 2022 (Thawhtanni) khan ringthar chungkaw khat (member 5) awmna Lal Isua zui turin an inpe bawk.

◆ Arunachal & Assam Mission Field (West)

July 10, 2022 (Pathianni) khan ringthar 10 Lal Isua zui turin an inpe a, kohhran dang atangin kan Kohhranah mi 3 an inpe bawk.

◆ Home Mission North

July 10, 2022 (Pathianni) khan Thaidawr Pastor Bial chungga Zomuantlang Kohhranah ringthar 1 Lal Isua zui turin a inpe.

◆ Home Mission South

July 10, 2022 (Pathianni) khan Tuikawi kohhranah ringthar 1 Lal Isua zui turin a inpe.

◆ Odisha Mission Field

July 11, 2022 (Thawhtanni) khan Gillakuta bial Galma kuaah free medical clinic, nurse Lalzahawmi hovin bial chung thawktuten an nei a, damlo 50 en an ni a, en zawh apiangte hi thawktuten tawngtaisakna an nei nghal zel bawk.

□ Worship

July 13, 2022 (Nilaini) khan Darlawn-ah Zaihruai Training neihpuin Tv. H. Lalzhazuala, Music Instructor leh Pu K. Lalmangaihazuala, Govt. Complex, Luangmual te an kal.

❑ **KTP**

July 14 - 16, 2022 chung hian Central KTP hruaitu term tharte puala neih thin Orientation & Retreat chu Synod Multipurpose Training Centre (SMTC), Mission Vengthlang-ah neih a ni dawn.

July 14 (Ningani) zanah hawna hun hman a ni ang a, Central KTP Leader Rev. Dr. F. Pachhunga'n a kaihuai ang a, Synod Moderator Rev. Dr. Vanlalngbaka Ralte-in hawna leh fuihna thuchah a sawi ang a, thupui zir zui nghal a ni ang. Orientation & Retreat hun chung hian thupui chi hrang hrang - Central KTP kalhmang leh Central Office kalhmang, Reformed Theology tlangpui, Bible Hrilhfiah dan, Sermon inbuatsaih dan leh Kristian Counselling kalhmang tih te zirho a ni a, heng thupui te hi mi thiam hrang hrangin an zirtir dawn a ni. July 16 (Inrinni) tukthuan eikhamah an chhuak ang.

❑ **MSSU**

July 16, 2022 (Inrinni) hian Thuampui Venglai Kohhranah Sunday School Zirtirtu training neihpui turin MSSU Trainer te - Upa Dr. Lalhmachhuana, Upa V. Lalrindika leh Upa B. Lalhmunliana te an kal ang a, zan inkhawmah Fanau enkawl chungchang thuchah Upa Dr. Lalhmachhuana'n a sawi ang.

❑ **Synod Prison Ministry**

July 16 & 17, 2022 hian Lawngtlaiah District Jail tlawh leh Synod Prison Ministry District Hruaitute intuaitharna hun hmanpui turin Director Rev. Lalhmuchhuaka leh Speaker Pu Lalrempuia te an kal ang.

❑ **Synod Relief Fund**

Tun hnaia harsatna hrang hrang nei te hnenah Synod Relief Fund atangin hetiang hian chhawmdawlna pek a ni.

S.No	Khua	Pek chhan	Chhungkaw zat	Pek zat
1.	Rengtekawn, Saihapui "K"			
	leh Saihapui "K" West	Leimin tuar	7	Rs. 62,000/-
2.	New Diakkawn	Damlo	4	Rs. 32,000/-
3.	Kawngthar Veng, Vairengte	Leimin tuar	3	Rs. 28,000/-
4.	Chamring Kohhran Biak In hnuai lungrem nan			Rs. 20,000/-
5.	Hunthar veng	Damlo	2	Rs. 16,000/-
6.	Zemabawk South	Damlo	2	Rs. 16,000/-
7.	Chamring	Harsa	1	Rs. 8,000/-
8.	Tlangnuam Thingsulthiah	Damlo	1	Rs. 8,000/-
9.	Phainuam	Damlo	1	Rs. 8,000/-
10.	E. Lungdar Vengthar	Khawsak harsa	1	Rs. 8,000/-
BELHKHAWM				Rs. 2,06,000/-

❑ **Synod Moderator-in Bairabi Pastor Quarters thar a hawng**

July 7, 2022 (Ningani) khan Bairabi Pastor Quarters chu Synod Moderator Rev. Dr. Vanlalngbaka Ralte-in hawngin Pathian hnenah a hlan. Hlanna hunserh hi Rev. Jerry Zoliansanga, Bialtu Pastor leh Bial Chairman ni bawk chuan a kaihuai a, Pro. Pastor Vanlalngbaka Ralte, Pastor Quarters Working Committee Secretary-in report a pe a. Synod Moderator-in Pathian hnenah a hlan a, thuchah a sawi nghal bawk. Rev. T. Thuamliaana, PBS-in malsawmnain a thin a ni.

Pastor Quarters hi Bial thuthmun Kohhran Bairabi Biak In bula sak a ni a, a hmun hi Bairabi Kohhran ram niin anni hian Pastor Quarters sakna atan an pe a ni. Pastor Quarters hi kawng an a sak a ni a, October 2020 a sak tan niin a dung ft 40 a vang ft 36 a ni.

Synod Moderator hian July 6, 2022 (Nilaini) zanah Bairabi Kohhran tlawhin thuchah a sawi a, a tuk ningani chhunah Presbyterian English School, Bairabi Bialin an enkawl mek chu a tlawh nghal a, Rel Station Kohhran Biak In leh Bairabi Chhimveng Kohhran Biak In a tlawh nghal bawk.

Bairabi Pastor Bial hi kum 1976 khan a lo piang a, Pastor 11 leh Pro. Pastor 5 an awm tawh a. Tunah hian Kohhran 11 awmin dan zawhkim 1903 an awm mek a ni.

❑ **Sunna - Rev. Dr. Lalchhuanliana**

Rev. Dr. Lalchhuanliana hi August 20, 1939 khi Rev. Chhawnvunga (L) leh Hauzingi (L)-te fa niin Champhai kuaah a piang a. An unau hi 9 niin, 3 an thi tawh a, puitlin thlenga dam chu 6 an ni. May 17, 1974 khi C. Lalhmangaihi d/o C. Hmingliana, Champhai nen Champhai Kahrawt Biak Inah innein fa 4 (pali), hmeichhia 2 leh mipa 2 an nei.

Primary School atanga High School thleng Champhaiah lehkhah a zir a, 1958 khan Matric a pass a, 1962-ah St. Anthony's College, Shillong atangin IA (Intermediate of Arts) a pass a, 1964-ah St. Edmund's College Shillong atangin BA (Hons) a pass a, 1970-ah Serampore College, Serampore atangin BD a pass a, 1973-ah United Theological College, Bangalore atangin M.Th. a pass leh a ni. Rev. Dr. Lalchhuanliana hi a naupan lai atanga a nu leh pain Pathian rawngbawltu atana an serh hran bik a ni a. Tleirawl tirh atanga zuk leh hmuam leh ruhi theih thil ti ngai lo a ni. Shillong-a B.A. zirlaiin hun puma rawngbawl tura kohna chiang takin a hre ta a. Kum 1967 khan Serampore College-a BD a zir ta a ni.

Kum 1970 June thla atangin Synod Theological Education Board chuan Aizawl Theological College-a lecturer hna thawk turin a ruat a, kum khat a thawh hnuin United Theological College, Bangalore-ah Master of Theology (Church History) zirin a kal leh a. Kum 1973-a M.Th zir zova a lo kir leh atangin Aizawl Theological College-ah baw 1986 thlengin a thawk ta leh a. ATC-a lecturer hnathawk chung hian Synod-in Venghlui Pastor Bial-ah Pro. Pastor hna kum 1974 atangin a thawhtir a. Kum 1977 Synod Inkhawmpuiin Chanmari Kohhran Biak Inah Pastor turin a nemnghet a ni. College-a awm chung hian lecturer hna te, Hostel Warden hna te, Didakhe Editor hna te, Registrar hna te leh Principal hnate a thawk a. College-a thawk chungin Synod Secretary hna leh Moderator hna te pawh a thawk tel baw. Dawrpui bial leh Venghlui bialah te lo awm tawhin kum 2000 January-ah a pension a ni.

Rev. Dr. Lalchhuanliana hian rawng a bawl chungin Synod-ah mawhpurhna chi hrang hrang Registrar, Aizawl Theological College; Principal, Aizawl Theological College; Secretary, Theological Education Board; Secretary, Mizoram Presbyterian Church; Moderator, Mizoram Presbyterian Church; Leader, Central Kristian Thalai Pawl; Executive Secretary; Finance Officer; Secretary, Synod Finance Committee; Senior Executive Secretary; Moderator, Aizawl East Presbytery te a lo chelh tawh a, PCI General Assembly-ah pawh Secretary, Theological Education Committee; Member Executive Committee; Moderator, PCI te alo chelh tawh baw a, heng bakah hian NEICC, CASA, Senate of Serampore College, Bible Society of India-ah te chanvo hrang hrang a chelh tawh baw. Pension-a a chhuah hnu pawhin rawngbawlna peng hrang hrangah thawk zui baw.

Rev. Dr. Lalchhuanliana hian lehkhah 13 lai a zia a. Kum sawm thum rawng a bawl chungin mi 2,199 Baptisma a chantir a, nupa tuak 291 a innehtir baw.

Kum 2021 kum tir lam atangin a insawisel tan a, Doctor hnenah inentirin investigation hrang hrang tih a ni a. A pumpui ulcer hrik pai chi hmuh chhuah niin uluk taka enkawl a ni a, mahse, a ke vung a reh theih loh bakah, a chau hma em em a, churang chuan March ni 12, 2022 khan Trinity Hospital-ah inentir leh a ni a. Hetah hian Heart Failure a ni tih hriat chhuah a ni a. Damdawi hmanga enkawl a ni a, hma a sawn lutuk loh avangin April ni 21, 2022 khan Trinity Hospital-ah baw inentir leh a ni a. Doctor-te rawn angin a lung chu Coronary Artery Angiography (CAG) hmanga en that leh tura ruahman a nih mek lain May ni 5, 2022 khan Internal Bleeding avangin Trinity Hospital-ah admit niin ICU-ah dah a ni a, thisen Unit 3 pek a ni. May ni 9, 2022-a Damdawi In a chhuahsan hnu atang chuan a chak lo chho-in in lamah inenkawl chhuzawm a ni a. A lungphu a mumal lovin thaw-hah te a nei baw a, May ni 25, 2022 khan Trinity Hospital-ah baw admit lehin, a lungah Pacemaker vuah a ni a, May ni 29-ah Damdawi in chhuahsan lehin in lamah inenkawl leh a ni. Amaherawhchu, that lam a pan theih meuh loh avangin June 21, 2022-ah Trinity Hospital-ah inentir leh a ni a, a chuapah tui a tling a ni tih hriat a ni a, admit lovin in lamah damdawi nen inenkawl turin tih a ni a, khuh leh thaw-hahin a kiansan theih loh avangin June ni 28, 2022 khan Trinity Hospital-ah baw admit leh a ni a, July ni 1-ah ICU-ah sawn luh a ni. Doctorte'n theihtawp chhuah mah se, a BP leh oxygen level a hniam zel avangin July ni 8 zan dar 7:30 khan Ventilator hman a ni a. Amaherawhchu, a natna tawrh hi a lo nasat tawh avangin July ni 8, 2022 zan 9:20 khan thlamuang takin Lalpa hnenah a chawl ta a ni.

☐ **JULY 15, 2022 (Zirtawpni) (FM Zoawi - Aizawl & Lunglei @ 7:30 p.m.):**

- Solo** : Solo: Isak Malsawmtluanga - Vanram mawiah
- Zaipawl** : Vaivakawn Bial Zaipawl - Vanram mawiah khian
- Thusawi** : Rev. Rosiamliana Tochwawng - Lusun mangan
- Solo** : Zoramchhani - Isua hmangaihna leh thatna
- Zaipawl** : Tuikual Bial Zaipawl - Vanram Lalpa buatsaih.

❑ **Susamachar Prasaran Programme :**

JULY 17, 2022 (Pathianni) 5:00 pm. :

- Group/Choir/Solo** : Govt Complex Masihi Sangati Zaipawl - Dharti
Group/Choir/Solo : Aizawl South West - Rabba Ki Howe Sana
Sermon : Rev. B. Zobiaktluanga - Jagat Ki Jyoti
Group/Choir/Solo : Tetei - Anugrahkari
Group/Choir/Solo : Amar Chhetri - Jaana Hai Hamko

❑ **Moderator leh Executive Secretary-te Programme:**

Rev. Dr. Vanlalnghaka Ralte : Moderator

- July 16, 2022 Serchhip FG&CC Building thar hawn
 July 17, 2022 Chawhma - Dintar Vengthlang Kohhran
 Chawhnu - Dawrpui Vengthar West Kohhran
 Zan - Dawrpui Vengthar Kohhran
 July 18, 2022 Serampore programme & Partnership committee
 July 19 & 20, 2022 Serampore programme
 July 21 & 22, 2022 Synod Service Board & MSSU Trainers Training Closing Function
 July 23, 2022 Bethlehem Venglai Kohhran (Golden Jubilee lawmna)

Rev. C. Zoramawia : Senior Executive Secretary

Zin programme nei lovin Office-ah a awm ang.

Rev. V.L. Luaia Hranleh : Executive Secretary

- July 15 - 17, 2022 Rawngb awltu Retreat, Darlawn
 July 19, 2022 Women Centre committee
 July 20, 2022 SMTC zirtur interview board
 July 21 & 22, 2022 Synod Service Board
 July 23, 2022 Rawngbawltu Retreat - Tuikual Bial

Rev. Dr. K. Lallawmzuala : Executive Secretary

Damlohna avangin In lamah enkawl a ni.

PATHIAN THU ZIR DUH TAN

Presbyterian Bible School, Mission Veng-ah Certificate in Theology (C.Th) Admission hawn a ni a. Dil duhte tan a hnuaia tarlan hi hriat tur a ni e.

- Admission Form : Office hun chhungin Rs. 10/- a lei theih a ni
 Dil hun chhung : August 23, 2022 (Thawhlehi) tlai dar 3:00 thleng
 Dil thei chin : Class VII passed, kum 16 chin, Kohhran dan chhunga awm
 Interview : August 30, 2022 (Thawhlehi) chawhma dar 10:00
 Class tan hun : September 6, 2022 (Thawhlehi)
 Zir hun chhung : September - December, 2022

Hrechiang duh tan Phone No. **0389-2317343/8974613378**-ah zawhfiah theih a ni.

Sd/-

Rev. Lalrinsanga
 Principal

Presbyterian Bible School